

Headline **Pokok herba, ulaman hiasi laman dapur**
 Date **31. Aug 2008**
 Media Title **Berita Minggu**
 Section **Dimensi**
 Circulation **342946**
 Readership **2476000**

Language **MALAY**
 Page No **14,15**
 Article Size **1241 cm²**
 Frequency **Daily**
 Color **Full Color**
 AdValue **21952.57**



fakta

Tanaman Laman Dapur

■ Pokok jenis naungan adalah seperti tembusu (*frarea fragrans*), asam jawa, tanjung dan jambu batu.

■ Pokok jenis tumbuhan renek pula seperti bunga raya, siantan, melur, pandan dan bunga tahi ayam (*lantana camara*).

■ Pokok jenis herba ubatan adalah seperti kekwa (*chrysanthemum indicum*), ati-ati (*coleus camara*), misai kucing, kesum dan halia.

■ Pokok jenis penutup bumi pula adalah pudina dan kadok manakala jenis rumput blasanya seperti Serai dan pokok putarwali adalah contoh pohon memanjan.

■ Pohon jenis lendir pula adalah seperti setawar (*bryophyllum pinnatum*), sepulih (*erioaulis Sp*) dan lidah buaya.

Pokok herba, ulaman hiasi laman dapur

Rumah bandar boleh mempunyai taman kebun jika pandai reka bentuk landskap

Oleh Rohaniza Idris
roha@bharian.com.my

MENGHIAS taman bukan bermaksud hanya halaman hadapan rumah tetapi juga di belakang kediaman yang sering dilupakan.

Di kampung, laman belakang adalah taman 'syurga' buat wanita kerana di situah mereka menanam pelbagai jenis rempah ratus dan ulam-ulaman untuk dijadikan hidangan keluarga.

Daun kunyit, kari, halia malah pegaga sering menghiasi taman dapur begitu juga pokok berbunga cantik kategori herba seperti misai kucing dan ulam raja yang turut menghiasi laman depan rumah.

Bolehkah rumah bandar terutama teres mempunyai laman dapur atau kebun herba seperti di kampung? Jawapannya, boleh jika kita bijak mereka bentuk laman mengikut ruang dan saiz keluasan kediaman dimiliki.

Pembantu Pertanian Kanan Universiti Putra Malaysia (UPM), Abdul Rahim Rashid berkata bagi memastikan aktiviti berkebun tidak mencemarkan pemandangan Kawasan rumah maka perlu difahami panduan mereka bentuk pelan landskap rumah kediaman.

Katanya, ia penting bagi memenuhi nilai ekonomi, kesejahteraan, keselesaan, keagamaan dan juga alam sekitar.

"Selain itu ia juga akan dapat dijadikan panduan kepada arkitek landskap dan pereka landskap untuk membina taman kebun di Kawasan kediaman terutama rumah bandar termasuk teres," katanya pada Bengkel Seni Hias Laman Putrajaya anjuran Perbadanan Putrajaya, baru-baru ini.

Bengkel itu menggabungkan teori asas cara penanaman pokok selain kursus praktikal merangkumi topik media tanaman, asas pembibitan pokok, kaedah penanaman dan penyelenggaraan landskap, demonstrasi penanaman dan penyelenggaraan landskap.

Konsep asas mereka bentuk kebun dapur adalah penanaman tanaman yang memberi manfaat kepada keluarga untuk tujuan masakan dan ubatan melalui gabungan dan susunan tanaman perisa, sayuran, ulam dan tumbuhan ubatan dengan tanaman hia-



Pemilihan tumbuhan penting dan perlu mempunyai hasil serta mutu yang tinggi serta tahan kepada perosak dan penyakit"

Abdul Rahim Rashid
Pembantu Pertanian Kanan
Universiti Putra Malaysia (UPM)



Tanaman seperti cili menambah seri laman.



Tanaman penutup bumi sesuai untuk bahagian depan taman manakala pokok renek dan besar di dalam kotak atau pasu.



Gabungan tekstur, warna dan bentuk pokok akan menghasilkan taman yang harmoni.



Gunakan petak kayu jika mahu taman kelihatan kemas dan campurkan pokok hiasan dengan herba, sayuran dan ulaman.



Membina Taman Dapur

- Pelan landskap perlu dibentuk terlebih duluan dengan mengambil kira bentuk kawasan kediaman.
- Pelan landskap penting bagi mementukan susunan dan lokasi yang hendak di tanam.
- Seeloknya, susun tanaman yang tinggi di belakang dan rendah di hadapan.
- Seeloknya cuba buatkan busut bagi menambahkan ketinggian kawasan rata

- Tanaman sebaiknya terdiri daripada dua atau tiga pokok yang sejenis dan ditanam berdekatan.
- Gunakan tanaman jenis rendah dan penutup bumi jenis ulaman dan ubatan di bahagian hadapan gabungan.
- Tentukan susun bentuk, tekstur dan warna tanaman supaya ia harmoni antara satu sama lain.
- Kebiasaannya kebun dapur tidak secantik laman hadapan, maka untuk menambahkan keindahan

- dan seri laman, campurkan juga pohon herba berbunga seperti kantan, misai kucing dan ulam raja
- Konsep tradisional yang memperuntukkan satu petak khas bagi kebun atau lama dapur perlu diubah terutama jika keluasannya sempit.
- Sebaiknya, buatkan petak kecil dihias dengan tanaman bunga-bungaan.
- Penanaman dalam bekas juga membolehkan dan susun di buat seperti piramid atau susunan teres.

Headline

Pokok herba, ulaman hias iaman dapur

Date

31. Aug 2008

Media Title

Berita Minggu

info



Bahan-bahan

■ Sebahagian tanaman jenis sayur dan ubatan mempunyai ciri yang sesuai untuk dijadikan elemen landskap utama.

■ Tanaman seperti cekur manis boleh dijadikan pokok pagar mengantikan pokok teh hiasan.

■ Pokok ekor kucing yang mengeluarkan bunga yang unik dan menarik boleh dijadikan pokok teduhan.

■ Pokok Melinjau yang berbentuk kon dapat dijadikan pokok teduhan begitu juga pokok kayu manis sejati yang turut sesuai sebagai sumber rempah ratus masakan.

Abdul Rahim membuat demonstrasi menanam sayur dalam beg plastik.



san lain seperti Marigold.

Matlamatnya adalah untuk memenuhi keperluan harian dapur terutama dari segi bekalan sayuran segar dan bermutu tinggi dan biasanya ia dari jenis yang mudah diselenggara dan disesuaikan dengan landskap keseluruhan rumah sedia ada.

Perkara utama selepas konsep kebun sayur dikenal pasti ialah pemilihan tanaman yang sesuai.


Seeloknya, tumbuhan ubatan, ulaman dan rempah ratus adalah dari jenis nuungan, renek, herba, penutup bumi, jenis memanjan dan lendir. Setiap tumbuhan berkenaan

memberikan khasiat tertentu untuk tujuan masakan dan perubatan.

Pemilihan tumbuhan di satu-satu kawasan penting dan perlulah mempunyai hasil serta mutu yang tinggi serta tahan kepada perosak dan penyakit. Seeloknya, pilihlah tanaman yang boleh dituai berpanjangan berbanding tanaman yang hanya boleh dituai sekali gus atau jangka pendek.

Penuaian berterusan boleh diperoleh menerusi penanaman berperingkat atau mengamalkan sistem tanaman

ganti. Namun, kriteria utama pemilihan jenis tanaman kebun dapur atau taman dapur adalah bergantung kepada keupayaan kita menguruskan ny, kesesuaian dengan kawasan sedia selain kesinambungannya dengan landskap keseluruhan kediaman.



Pokok tomato sesuai ditanam di tepi pagar dan pegola.